

L' Accademia Tradizioni Popolari Città di Tempio, con il patrocinio del Comune di Tempio Pausania, bandisce la quarta edizione di lu Premiù di Poesia Salda Don Baignu "Veldi la più alta poesia".

Per Informazioni:

Segreteria Organizzativa Accademia Tradizioni Popolari Città di Tempio

Valentina Spano

347 9355204

folktempio@tiscali.it



Accademia Tradizioni Popolari

Città di Tempio

07029



*Accademia Tradizioni Popolari
Città di Tempio*



*Premiù di Poesia Salda
Don Baignu*

"Veldi la più alta poesia"

4° Edizione

*Premiu di Poesia Saldina
Don Baignu
"Veldi la più alta poesia"*

4ª Edizione

Sighendi lu caminu chi ci polta a disvilà la meddu Letteratura di Saldigna, abbrimu a li Poeti la Cualta Edizioni di lu Prémium di Poesia a innommu di Don Baignu Pes, "Veldi la più alta poesia". Un caminu difficcili, impignativu, ma pienu di soddisfazioni e spantu pa' li risultati uttinuti e l'appróu di poeti, intendidóri e intellettuali saldi. Sighi lu disaffiu, tandu, in cilcà li radici illi tempi d'óggji, cumputendi Linga, Tradizioni, Poesia, in tutti l'agnati pal scarraggjà e bucani a picu li so' cambiamenti chi pònni infattu la modernitai. La Giuria di gran valóri è fatta di Letterati, Studiós e Poeti chi in chist'anni ani datu a lu prémium un'impultànzia manna ch'è vinuta manu manu criscendi com'è concorsu di primóri in tutta la Saldigna fin'a esse unu di li più mintuati e paltizipati. Sempri presieduta da Prof. Duilio Caocci, in chistu 2025 arà di sgiaminà l'ópari chi so stati primiatu l'annu 2017 e l'annu 2024. Ettandu sighimu chista sèmita abbalta a alzati dirrutti e a falati licéri undi mittimu afficcu a lu 'éru sensu nostru di li radici e di li tradizioni fatti di Poesia, di Cantu e di Baddu. Demu, eddunca, la 'justa impultànzia a la prupposta letterària illi tanti Linghi di Saldigna chi so lu patrimóniu nostru di lu tempu passatu, presenti e di lu tempu a viné, a cumpróu chi lu cunfrontu di tanti diversitai è, di siguru, una ricchessa chi no pudemu paldi e chi c'è d'aggjutu pa' ingjittacci camini nói.

(Gianfranco Garrucciu)

Rigulamentu

Art.1) Lu concorsu, a innommu "**Don Baignu: Veldi la più alta poesia**", è distintu in una única sezioni e risalvatu a l'ópari in lingua salda in tutti li so' varianti, cumprési li faiddati di lu tabarchinu e di l'algherésu, **chi àggjini riciutu lu primmu prémium in unu cassisia di li concorsi isulani, in rima, versu libbaru o differenti sezioni di poesia missa a concorsu, vinuti a cumprimentu, la dì di la primiazioni, ill'anni 2017 e 2024.** Pa' li concorsi biennali, vali la mattessi régula e li mattessi anni di ririfimentu.

Art.2) Piddani palti tutti l'ópari vincidóri di primmu prémium, maccari siani di lu mattessi autóri, chi pó aé vintu in diversi concorsi. Felma stabilitu, però, chi un autóri pó vinci sólu un prémium, salvu diversa dizzisioni présa da la giuria.

Art.3) La trasmissioni avvenarà via e-mail alleghendi a l'indirizzi di posta eletrónica folktempio@tiscali.it un file di l'ópara cu' innommu e cugnommu e un altu cun dati personali, innommu di lu concorsu, data di zirimónia di premiazioni e sezioni vinta, completa di motivazioni riciuta e còpia di l'attestatu di premiazioni (si presenti).

Art.4) La **data di scadènzia di lu bandu è fissata illa dì 10 di maggju 2025. Vali la data di ricezioni.**

Art.5) L'ópari, **una e-mail pa' dugnuna, si l'autóri à più poesii di prisintà,** déni esse inviati signalendi ill'oggettu di la mattessi, l'ópara, l'innommu di lu concorsu vintu e l'annu di premiazioni.

Art.6) L'ópari no sarani turrati indarétu e l'Accademia si risalva lu drittu di trattalli illi módi e illi folmi chi credarà più uppultuni senza dué nudda a l'autóri, chi ni felma, in dugna casu, lu patronu. Paltizipà a lu prémium cumpolta l'azzittà in tuttu lu rigulamentu presenti e dà autorizzazioni a l'Accademia a lu trattamentu di li dati personali cussi comu dispostu da lu GDPR, Rigulamentu UE 2016/679.

Art.7) La Giuria, chi dà un gjudiziu insindacàbbili, è cussi fulmata:

Presidenti: Duilio Caocci. Giurati: Domitilla Mannu, Anna Cristina Serra, Simone Pisano, Antonio Brundu, Antonio Rossi, Riccardo Mura, Gianfranco Garrucciu. Segretària: Valentina Spano.

Art.8) Sarà pubblicata una **Antologia** di tutti li poesii inviati, pal dà folma e sustanza a un documentu tantu raru cantu impultanti chi accóddi li meddu bóci di la poesia salda e chi sarà data in donu a li presenti a la zirimónia di premiazioni.

Art.9) Prèmi: A lu primmu classificatu € 700. Sarani pói assignati 10 sigundi prémi ex aequo: a iddi andarani € 200 dugnunu. A tutti sarà assignatu l'attistatu di paltizipazioni. Si faci presenti chi lu 'incidóri di lu primmu prémium no podarà esse vincidóri pa' alt'e dui anni. Dugna autóri arà di ritirà personalmente lu prémium chi, diversamenti, sarà trattinutu da l'Accademia. So esclusi li poeti chi fàceni palti di la giuria e vincidóri di primmu prémium, pa' evidenti cunflittu d'intarressu. Mantèneni, però, lu drittu a la segnalazioni, fóra concorsu, ill'**Antologia.**

Art.10) Li 'incidóri sarani avvisati cun tempu di lu lócu di premiazioni. La mattessi felma fissata pa' la dì **3 d'austu 2025** e sarà palti integranti di lu **Festival di lu Folklore.**

**Lu Presidenti di l'Accademia
Gabriele Addis**